

ORDENANÇA DE CONVIVENCIA CIUDADANA

Article 1.- Era present ordenança a coma objectiu melhorar era qualitat de vida en municipi, arténher eth benestar collectiu e organizar era comunetat de forma que se pogue arténher una convivéncia ciudadana en patz e en igualdat de drets e obligacions. Entà arténher aguest objectiu aguesta ordenança articule es normes de besonh que guiaran era activitat des abitants deth municipi damb respete e libertat, sense perjudici dera regulacion que se'n hèsque en dautes normatives autonòmiques o estataus.

Article 2.- Era present ordenança serà d'aplicacion en tot eth municipi de Vielha-Mijaran, e a era quedaràn obligadi toti es sòns abitants quinsivolvh que sigue era sua calificacion juridica-administratiua.

Er Ajuntament debierà obligat de méter en coneishement de toti es abitants eth contengut d'aguesta ordenança, hènt a servir toti es mieis de difussion que siguen de besonh.

Era ignorància deth contengut dera present ordenança non serà desexcusa en cas deth sòn incompliment.

POLITICA DERA VIA PUBLICA: Dispausacions generaus:

Article 3.- S'entenerà per via publica, as efectes d'aplicacion dera presenta ordenança, es avengudes, carrèrs, pasegi, places, camins, parques, jardins, hònts e demés bens municipaus de caràcter public deth tèrme municipau de Vielha-Mijaran.

Rotulacion e numeracion

Article 4.- Es vies urbanes se distinguiràn e identificaràn damb un nòm e numerò, diferent entà cada ua d'eres, eth quau aurà d'èster aprovat per Ajuntament. Non poiran existir dues vies urbanes damb eth madeish nòm o numerò.

Article 5.- Era rotulacion des vies urbanes an caràcter de servici public e poderan hèr-se per miei de labada o placa, que se fixaràn en lòc que se veiguen ben.

Article 6.- Era numeracion des vies publiques se harà per miei d'un projècte integrat per memòria, relacion de numeros (antigui e nau) e plano parcellari. Dit projècte se meterà a informacion publica pendent quinze dies, e serà, en sòn cas, aprovat per Alcalde.

Es propietaris des immobles se veiran obligadi a col·locar etn numerò que, un còp determinat, les age correspos, quan siguen requerits individualment o collectivament entà hèc. En cas de non hèr-se era nomentada obligacion laguens deth tèrme fixat peth requeriment, se procedirà ara sua col·locacion per part de personau designat per Ajuntament damb despenses a carrec deth propietari der edifici, independentment dera sancion que per tal incumpliment li correspongue.

Er element qu'incorpòre ath numerò aurà de col·locar-se en centre dera façada que dongue entath viader public, o ath can dera pòrta principau der edifici. Per çò que tanh ara forma, messura, color o impression, s'ajustarà as requisits que fixe era administracion municipau.

Article 7.- Es propietaris d'edificis afectadi pera collocaion de panèus e numeros auràn de perméte era sua fixacion e respetar era sua permanéncia, atau coma vigilar eth sòn estat de conservacion e visibilitat.

Aguesta servitut administratiua serà gratuïta e calerà notificac ath propietari afectat.

Article 8.- Ei competéncia dera Administracion Municipau era execucion des trabalhs e òbres de besonh entara perfecta conservacion des elements estructuraus e ornamentaus des vies publiques. Arrés poderà, encara que sigue damb era finauetat de melhorar er estat de conservacion des viaders publics, executar trabalhs entà restaurar o reparar es nomentadi elements sense era obtencion de licéncia municipau.

Usatge deth viadèr public.

Article 9.- S'enten per usatge deth viadèr public, as efectes dera present ordenança, era utilizacion o profitament que tota persona física o juridica pogue hèr deth solèr, vòl o subsòl dera madeisha.

Article 10.- Er usatge o profitament deth viadèr public pòt èster comùn generau, comùn especiau o privatiu.

Article 11.- Ei usatge comùn eth que correspont a toti es ciudatants sense distincion. S'estime qu'er usatge comùn a caràcter generau quan non concurrissen en eth circumstàncies singulars, senon que s'exercir liurement d'acòrd damb era naturalesa des bens, per tot çò, aquest tipe d'usatge non ei sotmes a cap tipe de licéncia.

Er usatge comùn especiau quan se singularize per auer caracteristiques de perillositat e intensitat o d'outes semblantes e requeris entath sòn exercici licéncia municipau.

Er usatge privatiu constituís era ocupacion en exclusiua per un particular d'ua parcella demanial, de tal forma que limite o exclusi er usatge per part d'auti. S'adquirís aquest usatge per concession administratiua.

Article 12.- Er usatge e profitament deth viadèr public a en principi eth caràcter d'usatge comùn generau, exercit liurement per toti es ciudatants, sense cap mès limitacions qu'es establides ena present ordenança e demès dispausacions legaus.

Article 13.- Se proïbis expresament:

- a) Utilizar eth viadèr public coma lòc d'exercici o desenvolupament de professions, trabalhs o mestiers, sense perjudici des normes contengudes enes articles següents reguladors des usatges comùn especiau e privatiu.
- b) Collocar o deishar abandonadi en viadèr public objectes particulars, sense mès excepcions qu'es establides en aquesta ordença.

Article 14.- 1.- En cas que se produsissen usatges, aucupacions, activitats o profitaments deth viadèr public sense la corresponent licéncia o concession municipau, era Autoritat Municipau procedirà, previa comprovacion e constatacion dera circumstància, a ordenar ar interessat verbaument o per escrit eth cessament immediat dera activitat, usatge, aucupacion o profitament hèt, entara quau causa se li concedirà eth tèrme qu'es circumstàncies conselhen.

2.- En cas d'incumpliment, se procedirà ara execucion forçosa dera orden e ara retirada des bens, materiaus o installacions, que seràn portadi as depòsits municipaus. Es despenes ocasionades peth traslat e custòdia seràn damb càrrec as propietaris o

posseïdors, en sòn cas, fixant-se cossent damb es tarifes aprovades o, en sòn defecte, ath còst reau des madeishi. Se es nomentadi bens non siguéssen reclamadi en tèrme màxim d'un mes, er Ajuntament poderà procedir sense cap mèr tràmit ara venta d'acòrd damb es normes corresponents ara contractacion municipau.

3.- Es bens o objèctes que se pòden maumete facilment, que non siguen reclamatas e retirats pes sòns amos o poseïdors en temps prodenciau; poderàn èster entregats a institucions de caràcter sociu o destrúir-les s'ei de besonh.

Article 15.- Quan er usatge deth viader públic se considere qu'ei especiau e non siguésse conforme damb eth destin pròpi dera madeisha, se considerarà coma us anormau e eth sòn usatge aurà d'èster objecte de concession administrativa. Entà qu'er usatge sigue calificat coma de comú especiau anormau, se requerirà un estudi entath cas concret per part dera Autoritat Municipau.

Article 16.- Es diuersi usatges, aprofitaments e installacions en viader públic se regiran per çò previst en aguesta Ordenança e pera legislacion estatau e autonómica vigent en cada moment.

Usatge comú especiau

Article 17.- 1.-Es activitats, aucopacions o profitaments qu'impliquen usatge comú especiau dera via estaràn subjectes a prealabla licencia municipau.

2.-Era licencia municipau serà autrejada o denegada pera Alcaldia en tèrme de REGTO SERVEIS.

3.-Es licéncies municipaus auràn ua vigéncia pendent tut eth tèrme que s'establisque en moment deth sòn autrejament, se per error non se senhalèsse eth tèrme de vigéncia, s'enteneràn concedides pera durada normau e naturau enes casi d'activitats de tempsada o fires, e enes demès enquiath 31 de deseme deth madeish an deth sòn autrejament.

Article 18.- 1.-Es licéncies autrejades per Ajuntament poderàn quedar sense efecte se s'incumplissen es condicions establides enes madeishes e auràn d'èster revocades quan desapareisheguen es circumstàncies que motiveren eth sòn autrejament o n'apareisheran d'aves, que d'auer existit en moment dera sollicitud, aurien motivat era sua denegacion.

2.- Poderàn quedar sense efecte tanben es licéncies pera adopcion de nauí critèris d'apreciacions per çò que tanh ar autrejament, atau coma eth sòn autrejament per error, çò que darà lòc ath resarciment des danhs e perjudicis que s'auessen produsit.

Article 19.- Es licéncies municipaus solet seràn transmissibles degut a mòrt deth titular a favor des que acrediten èster es sòns ereus o legataris, e per transmissions intervius solet quan existisque dispausacion especiau qu'atau ac establisque.

Article 20.- Era venda non sedentària en viader públic (en mercats fixos, en mecats periodics, en mercats ocasionaus, hèires o esdeveniments populars, era de productes de natura estaciunau en lòcs installats en viader públic), atau coma era venda a domicili, requerirà autorizacion municipau que s'autrejarà prealabla acreditacion, en sòn cas, deth compliment des requisits e condicions establits ena Lei 1/1983, deth Parlament de Catalunya, de 18 de hereuèr, sus regulacion administratiua de determinades estructures comerciaus e vendes especiaus.

Article 21.- 1.-Poderà autorizar-se era aucupacion deth viader públic damb era destinacions següent:

- a) Tendolets, toldos entara celebracion de verbenes, concerts, representacions teatraus, circ o cinèma e d'alti actes semblants.
- b) Atraccions de heira e parades d'artesanía, quincalha e causes semblantes.
- c) Competicions o actes de caràcter deportiu damb veïculs, mòtos, bicicletes, shivaus, eca.
- d) Quinsevolh auta ocupacion de caracteristiques semblantes.

2.- En tot cas, era entitat organitzadora d'aguestes activitats aurà de acuellir-se a açò qu'establís eth Reglamente de Espectaculos y Actividades recreativas vigent en cada moment, auent de complir damb es indicacions que senhale era Autoritat Municipau o es sòns agents.

Article 22.- 1.-Era collocacion de taules e cagires ena via publica aurà de realizar-se de forma que quede lliure er espaci mínim entath pas de pedanhs.

- a) dera mietat dera amplada deth trepadèr, enes de mès de dus mètres e enquia cinc mètres.
- b) dera tresau part dera amplada deth trepadèr, enes de mès de cinc mètres.

2.- Quede provida era collocacion de taules e cagires enes trepaders de menos de dus mètres d'amplada.

3.-Se considere espaci mínim entath pas de pedanhs eth que quede lliure un cop descomptada era superfícia que per quinsevolh causa o obstacle non sigue apta entath trànsit.

4.- Enes casi en què es taules e cagires non se colloquen enes trepadèrs, s'estarà en çò que s'establís espresament ena autotizacion autrejada.

5.- Es licències autrejades entara collocacion de taules e cagires en viader públic poderàn auer ua durada annau, de tempsada (1 de junh ath 31 d'octubre) o solet entas festius o vetlhes des madeishi.

6.- Es tarimes que s'installen su es trepadèrs entà emparar es taules, non poderàn lheuar-se mès de 10 centimètres sus eth nivèu d'aguesti.

Article 23.- 1.- Era publicitat en viadèr públic poderà préner es següents modalitats:

- a) Anuncis publicitaris tostemp que reunisquen es caracteristiques aprovades per Ajuntament.
- b) Repartiment de folhetons publicitaris, sense que se poguen lançar en carrèr.
- c) Propaganda orau, quan sigue expressament autotizada per Ajuntament, que se harà per miei d'altaveus o amplificadors collocats en lòcs fixes o installat desús de veïculs.

2.-En tot çò previst en aguestes Ordenançes s'aplicarà eth Decrèt 917/1967, de 20 d'abriu, en matèria referent ara publicitat exterior.

Article 24.- Eth rodatge d'escenes de cine en viader públic o lòcs de domini públic municipau, s'estarà as oraris e lòcs previsti ena licència que s'autrege e tostemp de forma tau que non se produísque entorpiment deth trànsit e der usatge normau deth viader públic o lòc de que se tracte.

Article 25.- Er usatge especiau de vados e reserves de carrèga e descarrèga se regirà per çò qu'ad aguest respecte establís era ordenança fiscau d'aguest Ajuntament.

Article 26.- 1.-Ei obligatòria era installacion de barralhes en totes es construccions de bastides, òbres exteriors e esbauçaments e entara aucupacion deth viader públic damb materiaus destinadi ara execucion d'òbres interiors.

2.-Quan es besonh de trànsit e d'autres circumstàncies impedisquen installar barralhes, se reemplaçaràn agueste per pònts lleuadi o andamios.

3.- En cap cas er espaci liure deth trepadèr serà inferior ath permès ena licència. De non èster possible se facilitarà eth passatge de pedanhs damb tauleus e passarelles degudament protegides e senhalizadas.

4.- En toti es casi, es barralhes o elements protectors dera òbra auràn ua nautada suficient entà impedir era caiguda de materiaus e tarcums en trepadèr o cauçada.

5.-Totes es barralhes de proteccion mostraran un panèu informatiu dera licència municipau, data de començament e ecabament des òbres e orari de treballh.

6.- En cas d'incumpliment d'açò establhit en present article, se procedirà ara execucion forçosa pera Administracion Municipau ena persona deth contractiste des òbres, estant responsable subsidiari eth propietari o titular des madeishes.

Article 27.- En supòsit de que sigue de besonh utilizar es arbes coma supòrt d'installacions de lum o ornamentaus e accessòris, eth sòn usatge se harà en tot moment respectant es arbes que s'utilizen e procurant qu'era installacion o ornament non perjudique eth trànsit urbant n'era visibilitat qu'era via publica age, es viuendes plaçades en frente der arbe o arbes de que se tracte, e respectant en tot moment es instruccions qu'en orden ara seguretat determine era autoritat municipau.

Usatge privat

Article 28.- 1. Era ocupacion dera via publica en règim d'usatge privat a d'èster objècte de concession administratiua.

2. Es emplaçaments dera via publica que poderàn èster objècte de concession e implicaran un usatge privat entat concessionari, seràn ficxadi previament peth Plen der Ajuntament, calera auer en compde era modalidad e usatge ara que se destinarà eth dit emplaçament, atau coma eth numerò de concessions, eth temps, extension superficial e totemp auent en compde qu'era aucupacion dera via publica non altere era libre circulacion de pedanhs e veïculs, n'era celebracion d'actes públics.

3. Ficxadi es emplaçaments e aprovadi es corresponents plecs, era tramitacion anterior s'ajustarà ara "normatiua entara concession d'usatge privat dera via publica".

Article 29.- 1.Era concession supause er autrejament d'un dret reau de caràcter administratiu, que permet ath sòn titular disfrutar-lo, defener-lo juridicament, emplear-lo en tràfic civiu, e inscriuer-lo en Registre dera Propietat.

2. Era concession administratiua qu'autrege er usatge privatiu d'ua parcella deth viader públic s'autrejarà entà au finauetat especifica e totemp damb caràcter discrecionau per part der Ajuntament.

Article 30.- Sense perjudici d'açò establhit enes reglaments de caràcter generau, seràn condicions dera concession es següentes:

- a) S'autrejarà er usatge privat der emplaçament deth viader públic, salvat eth dret de propietat e sense perjudici de tresaus.

- b) Eth concessionari serà obligat de mantier en bon estat era porcion deth viader públic qu'utilize, es installacions objècte dera activitat que desenvolpe, atau coma es zònes confrontants damb es madeishes.
- c) Era transmission de la concession solet poderà hèr-se "mortis Causa" a favor des ereus o legataris del concessionari d'acòrd damb era legislacion de sucesions e peth temps que manque entara extincion dera concession.
- d) Er usatge e gaudi dera concession autrejada, correspont ath titular dera madeisha e, en darrer lòc, as familiars. En casi excepcionaus poderà èster usat pes empleadi, tostem e quan aguesti siguen designadi ena sollicitud e ena concession, e ad'aguesti efectes se les poderà exigir es corresponents documents acreditatius d'alta e pagament dera Seguretat Social.
- e) Eth concessionari serà responsable de toti es maus e perjudicis que se produïsqnen enes bens municipaus; era dita responsabilitat poderà hèr-se efectiva per part der Ajuntament damb càrrec ath depòsit o fiança presentada, s'ei suficienta, o peth procediment administratiu d'apremi enes demés supòsits. Igualment se responerà des maus causadi a tresaus, e en casi excepcionaus se podrà exigir un seguro de responsabilitat civiu.
- f) Eth concessionari quede obligat de deishar a dispausacion dera administracion municipau, un còp acabat eth tèrme dra concession, en perfectes condicions era porcion de viader públic o, en sòn cas, es installacions bastides, e de reconéisher expressament era potestat municipau entà acodar per sí eth esbausament.
- g) Era concession solet produsirà efectes entre era Corporacion Municipau e eth titular d'aquera, mès non alterarà es situacions juridico-privades entre eth concessionari e tresaus, ne poderà èster invocada entà excludir o disminuir era responsabilidad e qu'aguessen incorrut es titolars dera concession.

Article 31.- 1.-Se considerarà usatge privatiu deth viader públic, era installacion de quioscos permanents, que poderà èster de publicacions o especiaus.

2. Es quioscos de publicacions auràn ua finauetat principau, era venta de libres, revistes e diaris de quinsevolh nacionalitat. Poderàn estè classificats aguesti quioscos en diuerses categories auent en compde eth tipe de publicacions e/o lòcs d'installacion, as efectes de ficxar eth corresponent canon de concession.

3. Es quioscos especiaus son aqueri que se destinaràn a finauetat diferent dera expressada en paràgraf anterior.

4. Era administracion municipau aprovarà eth modeu de quiosco, damb era finauetat qu'es sollicituts de concessions des interessadi s'ajusteguen a eth, exceptat es variacions qu'en cada cas se perméteguen. Era installacion deth quiosco non poderà servir d'excusa entà ampliar eth perimètre d'usatge privatiu concedit, per miei dera collocacion enes trepadèrs de caishons, cabalhets o d'audi aparelhs entara exhibicion de publicacions. En cas d'incompliment, independentment dera sancion que se métegue, es servicis municipaus retirarán es nomentadi elements acàrrec deth concessionari.

Article 32.- Tanben auràn era consideracion d'usatge privatiu es activitats, aucupacions e profitaments següents:

- a) Publicitat lominòssa en aparelhs sostenidors de rotulacion deth viader públic.
- b) Columnes anunciadores.
- c) Plafons-anuncis.
- d) Acampada enes montes d'utilitat publica.

Comportament o conducta des ciutadans: Normes generaus

Article 33.- Toti es ciutadans, sense excepcion, an eth deure de conéisher e observar es normes municipaus que sus conducta ciutadana regiràn en municipi.

Article 34.- Eth comportament des persones, en especiau enes establiments públics e en viadèr públic, s'atierà en generau as següentes normes:

- a) S'observarà el degut civisme e compostura, non alteràn er ordre n'era tranquilitat publica damb escandalos, peleges e tomults. Nons s'aurànd e díder damb mala fe, males paraules, insults e rèncs.
- b) Se compliran puntoaument es dispausacions des Autoritats e es Bandos dera Alcaldia sus conducta deth vecindari e s'observaràn es proibicions especiasu qu'en sòn cas s'establisquen.
- c) Quede proibit de lançar objèctes en solèr en toti es establiments públics o viadèrs públics, atau coma maltractar es installacions, objèctes o materiaus d'usatge comú o es arbes o plantes des carrèrs, places e jardins.

Article 35.- Era conducta e comportament des abitants deth municipi aurà coma maxima, non solet era observacion des normes juridiques, senon tanben, eth respete ara libertat e integritat fisica, morau e etica de demès, atau coma entad aqueres causes o objèctes que per èster entar usatge d'ua collectivitat son mereishedors d'un tracte e suenh especiau, damb objècte d'intentar e arténher ua convivència normau e libre.

Normes de conducta, en particular:

Article 36.- 1.- Per rasons d'estetica e bon gust, non serà permès era estenuda o expausacion de robes, peces de vestir e elements domestics enes balcons, hièstres, repises, terraces exteriors o en quinsevolh aute lòc que pera sua situacion e orientacion ath viadèr públic siguen normalment visibles des deth madeish.

2.- Laguens deth casc urban s'establis era obligacion de dotar as edificis de celosies o installacions similars, en usatge enes mieis de construccion, que perméteguen aislar der exterior es lauaders, estenedors, trasteros, codines e totes aqueres dependències era vision o activitat dera quau pogue resultar perjudiciu ara estetica der edifici o sigue incompatible damb er entorn en quau ei plaçat. Enes edificis de naua construccion calerà surveilhar especiaument aguest aspecte.

3.- Es mesures senhalades en numerò anterior seràn d'aplicacion quan es circumstàncies expausades concurrísquen en edificacions que dongun entà patis comuns, tostemp que i age agut ua peticion preable, justificada de bèth un des interessadi. En bastides ja existents aguestes mesures quedaran condicionades ath resultat der expedient e era possibilitat materiau dera sua aplicacion.

Article 37.- 1.- Quede proibit ena via publica lançar aigües residuaus, abandonar animaus mòrti, plumes e d'autes deishes, lorderes, tarcoms, eca, e quinsevolh aute objecte que enlordisque o produísque molesties as ciutatadans o ath trànsit de veïculs.

2.- Quede proibit e, en sòn cas, serà sanciona governativament, tota accion que enlurdisque, hèsque lèg, produísque maus o sigue susceptible de produir-ne en lòcs d'usatge o servici públic e tot çò damb independència dera reclamacion des prejudicis produïts, se procedisse, e dera competència dera jurisdiccio penau, en sòn cas.

3.- Se proibis atau madeish, en viadèr públic desangrar, cauçar e esquilar animaus.

4.- Tot ciutadant a eth dert e eth deuer, coma membre d'ua collectivitat, de colaborar ena conservacion e defensa deth patrimoniu municipau, ja sigue impedint era realizacion de maus en madeish, ja denunciànàc ara autoritat competent en cas d'auer-se produhit.

Article 38.- Se proïbis enes honts publiques:

- a) Lavar coches, ròba, minjar o objectes de quinsevolha classa.
- b) Lavar-se e banhar-se.
- c) Méter a nadar gossets o d'auto animals e enlurdir es aigües.
- d) Abandonar dejús deth galet, farrats o d'auto recipients, per'mor que cadun des usatgers treirà er aigua peth sòn torn e se retirarà dempús d'amplir eth recipient.
- e) Beuer directament dera sheta o der arranque deth surtidor, salvat qu'es hònts agen intallacion especiau entad aquerò.
- f) Beurar shivaus e bestiar, e
- g) Deishar jugar as mainatges damb barquetes o objectes semblants.

Article 39.-

1.- Er usatge d'aparelhs sonors aurà de moderar-se entà esvitar molestar ath vesiat, damb especia atencion pendent es ores dera net.

2.- Es excepcions per razons de hèstes propulars e d'auto eveniments publics auràn d'éster autorizats per aquest Ajuntament, preabla peticion per escrit des interessadi.

Article 40.- En tot cas quede proïbit en tot eth territòri municipau:

1.- Produhir destròces, enlurdir o realizar pintades enes edificis, barralhes e parets divisòries, tant publics coma privats, enes bancs e hònts publiques, faròles, garròts des línhes electricques, conduccion d'aigües e en generau en toti es bens e servicis ja siguen d'interès públic o privat.

2.- Alugar huec enes zònes ruraus, exceptat enes periodes previsti peth Departament d'Agricultura, Ramaderia i Pesca de la Generalitat de Catalunya, e preabla obtencion dera corresponent autotizacion expedida peth nomentat departament.

3.- Raspar, gravar, escriuer o dibuïshar enes parets, pòrtes o façades des bastidees; col·locar panèus o anuncis qu'impedísquen o dificulten era lectura des plaques de ròtulacion des carrers, numeracion des bastises, senhaus de circulacion e curbir es Bandos des autoritats col·locats enes viadèrs publiques.

4.-Secordir alfombres, robes e quinsevolh aute efecte personau en viadèr public o des des balcons, hièstres e terraces, atau coma regar es plantes o fregar eth solèr quan er aigua sobrant pogue queir en viadèr public.

5.-Fotent-se o maltractar as persones que se trapen ena poblacion, especiaument se se tracte de gent grana o d'auetes persones fisicament o psiquicament deficientes.

6.-Disparar armes, coets e petards laguens dera poblacion, excludint es dies dera hèsta, vervènes e ocasions que tradicionaument se vient celebrant e enes casi que s'autorizen.

7.-Era caiguda d'aigües pluviaus ath viadèr public degut ara deficient construccion o conservacion des larmières o era sua conexion damb era escomesa des cloaques.

Article 41.- Quinsevolh persona fisica o juridica que produhisque bèth desperfecte enes viadèrs publics, trepaders, cloaques, acequies, hònts, jardins, parques, faròles, servicis, installacions o equipaments municipaus, estarà ubligada a compensar eth mau produhit.

En cas que bèth un des maus nomentadi se produhisquen per conducta mau intencionada o negligent, s'aplicarà, a mès a mès dera compensacion economica, era corresponent

sancion, sesnse perjudici des responsabilitats que, per via judiciu poguessen éster exigides.

CIRCULACION DE PEDANHS E VEÏCULS

Article 42

1.-Era circulacion de pedanhs e rodada peth tèrme municipau, aurà d'ajustar-se as normes contengudes en Còdic dera Circulacion e dispousacions complementàries, as establides ena presenta Ordenança, atau coma as especiaus qu'era Autoritat Municipau dicte cossent damb er article 12 deth Còdic dera Circulacion.

2.-Eth contròtle e era vigilància deth tràfic se realizarà pes Guardies Urbanos o Vigilants, exceptat enes viadèrs de caràcter supramunicipau.

Article 43

1.- Es pedanhs transitaràn enes viadèrs publics pes passi, trapaders o vòres ada eri destinats e en cas de non aueni çò de mès apròp possible des vòres.

2.-Enes crutzes damb autes viadèrs, es pedanhs auràn de prèner es precaucions de besonh entà esvitar en çò possibles es accidents, e s'ajustaràn as indicacions que se les hèsquen pes senhalizacions mecaniques.

3.-Eth pedanh que se veigue en besonh de trauessar era cauçada, aç arà preferentment per aqueri lòcs reservadi entà aquera finauetat, ja siguen regulats mecanicament, ja identificats per miei de pintura ena cauçada e tostep damb era major diligéncia possible.

Article 44.-

1.-Es shivaus o demès vestiar, auràn de transitar solet pera vòra des carrèrs, pera sua part drete e deisharà tostep pas as pedanhs.

2.-Es que munten shivaus auràn de prèner languens des casc urban tota classe de mesures de precaucion e solet se permeterà hèc a persones majors de 16 ans o menors dera nomentada edat se van acompanyadi d'una persona gran, sense galopar e tostep ath pas, portant era drete en sentit dera marxa.

3.- Era circulacion de veïculs de traccion animau se subjectarà as normes qu'ad aguest respecte arremasse eth Còdic de Circulacion.

4.- Es animaus domèstics auràn de portar-se subjectes per miei d'ua corretja o cadia, que perméte eth fàcil contròtle. Er amo ei eth responsable civiu de toti es maus ocasionadi per animau.

Article 45.- Toti es ciutadans, ja circuleguen a pè o en veïcul, sauvaràn damb era màxima precaucion tot çò dispousat enes articles anteriors, e en çò non dispousat prevalerà era actuacion mès concordant damb er esprit de convivéncia en viadèr públic de respete pes demès.

IMMOBILIZACION E RETIRADA DE VEÏCULS DETH VIADÈR PUBLIC.

Article 46.- Era parada e eth parcatge de veïculs se harà enes lòcs destinadi ar efecte, e tostep que non existisque proibicion o perturbegue era circulacion de pedanhs, animaus o rodada.

Article 47.- Quan es Guardies Urbanos o Vigilants Municipaus trapen en viadèr públic un veïcul aparcat qu'impedísque era normau circulacion o constituísque un perill entara

madeisha o entas pedanhs, o perturbegue greument, aurà de préner es mesures que s'iniciaràn, necessariament, damb eth requeriment deth conductor, propietari o persona encarregada deth veïcul, se se trape ath can d'aguest, entà qu'acabe ene sua situacion irregular e, en cas de non existir era dita persona o d'existir que non atengue eth requeriment, se poderà dispausar eth traslat deth veïcul ath dipòsit destinat ar efecte. Entara adopcion d'aguestes mesures poderà emplear-se era grua municipau e excepcionalment es servicis retribuïts des particulars.

Article 48.-

1.- Er Ajuntament poderà procedir, se er obligar non aç hè, ara retirada del veïcul deth viadèr públic e ath sòn dipòsit en lòc que s'age designat, enes casi següents:

- a) En cas d'accident qu'impedísque de contunhar era marcha.
- b) Quan atau ac dispausase era autoritat judíciau.
- c) Quan un veïcul estongue en viadèr públic pendent eth temps suficient e en condicions necessaries entà sopausar raciunaument e fundamentaument eth sòn abandonament. Era retirada s'efectuarà preable requeriment pera autoritat.
- d) Tostemp que constituísque perilh o produísque perturbacions greus ena circulacion viaria o des pedanhs o eth funcionament de bèth servici públic.
- e) Quan eth parcatge se hèsque ath deuant d'un vado autorizat per Ajuntaemnt e non se pogue localizar ath propietari enes dus primères ores deth parcatge.

2.- Era retirada deth veïcul sopausarà era sua conduccion a un depòsit municipau, prénen es mesures de besonh entà qu'eth nomentat traslat arribe ath coneixement deth conductor o propietari tant lèu coma sigue possible, auent de deishar un imprès d'advertiment deth traslat en primitiu parcatge. S'eth conductor o ua auta persona autorizada compareish en lòc dera infraccion, pendente eth procediment de retirada, aguest cesarà en acte, tostem e quant se prenguen es mesures de besonh.

Article 49.- Trasladar eth veïcul ath depòsit municipau pes causes regulades pera Ordenança de Tràfic, eth conductor, propietari o, en sòn defecte, eth titular administratiu, sollicitarà ar encàrregat, preable identificacion e comprobacion dera sua personalitat, era restitucion deth veïculo.

Article 50.- Eth conductor deth veïcul retirat e subsidiariament eth titular deth madeish, damb excepcion des sopòsits d'utilizacion illegitima, auràn de pagar previament entà parar era retirada, es despenes ocasionades que seràn establides ena corresponent Ordenança Fiscu, damb independéncia dera quantia dera multa que per denuncia dera infraccion comesa corresponguèsse.

ASPECTE ESTERIOR DES EDIFICACIONS

Article 51.-

- 1.- Es construccions auràn d'ajustar-se basicament as condicions estètiques deth sector.
- 2.- Quan regisque un modeu especiau coma obligatòri per rasons urbanistiques, es construccions auràn d'adaptar-se ath modeu aprovat.
- 3.- Poderà denegar-se era licéncia de bastiment o de reparticion as projecte que siguen ua ofensa ath bon gust o siguen impròpies deth lòc aun siguen plaçades.

Article 52.- Per'mor de non èster permetut de pintar de blanc es edificis cossent damb çò que díden es Normes Subsidiàries e Complementàries de Planejament dera Val d'Aran, vigents ena actualitat, enes articles 70.3 a), 89.2 e 95, coma annèx ara present

Ordenança s'apròve ua carta de colors entre es quaus se poderà escuelher eth tònus adequat damb eth que se pintarà es pareds exteriors des edificis en tèrme municipau.

Article 53.- Es propietaris des edificis seràn responsables en tot moment deth manteniment, preséncia e ornamentacion public des madeishi, auent d'encuedar-se deth sòn compliment e arténher entre toti un aspecte enes edificis digne en sòn entorn.

NETEJA DERA NHÈU EN VIADÈR PUBLIC

Article 54.- En cas de nheuades abondoses, es propietaris o en sòn defecte es ocupants des baishi des edificis colindants damb eth viadèr public procedirà a arremassar era nhèu des trepaders respectius, depositant-la en miei deth carrèr e caperaràn damb sacs, sable, sarna, palha o sau era part que per auesse gelat sigue un perilh entara circulacion des persones.

POSSESSION E CIRCULACION D'ANIMAUS

Article 55.- Dejeccions de gossets.

1.-Quede proïbit qu'es gossets depositen es sues dejeccions enes parques publics, parques infantius o jardins d'usatge freqüent.

2.- Quede tamben proïbit deishar es dejeccions fecaus des gossets enes viadèrs publics, e en generau, en quinsevolh lòc destinat ath transit de persones. Es propietaris des animaues son es responsables dera eliminacion d'aguests dejeccions.

3.- En cas d'infraccion d'aguesta dispausacion, es agents dera autoritat municipau poderàn requerir ath propietari o ara persona qu'amie eth gosset, que procedisque ara retirada des dejeccion der animau, impausant-li era sancion corresponent en cas de resisténcia.

4.- Es dejeccions arremassades se collocaràn de forma igienica acceptable en borses de lordèra e jamès directament enes contenidors ne enes papelères ne cloaques der hilat de desaiqües, a non èster eth lòc autorizat pera autoritat municipau.

Article 56.- Proïbit abandonar animaues mòrti.

Quede proïbit abandonar animaues mòrti en quinsevolh punt deth tèrme municipau.

CONTAMINACION ACUSTICA E DETH MIEI AMBIENT

Article 57 .- Dispausacions generaus.

1.- Er objecte des mesures deth present capítol ei velhar pera qualitat sonora deth miei urban laguens deth tèrme municipau de Vielha e Mijaran, reguland, d'acòrd damb es competéncias municipaus, es activitats e es usatges susceptibles de produsir tapatge que moleste, sense perjudici dera aplicacion dera normativa vigent sus activitats molestes.

2.- Era accion municipau evitar damb esturments sonomètrics, qu'eth tapatge e vibracions non superen es niveus que s'especificuen en aguest capítol.

3.- Eth tapatge se mesurarà e exprimirà en decibelis ena escala A (dBA) atau coma era absorcion acustica e es vibracions de Pals (V igual $10 \cdot \log: 3.200 A2 N3$) a on A ei era amplitud en cm., N. Pals era freqüència 10 Hz.

Article 58.- Condicions acustiques en edificis.

Es elements constructius orizontaus e verticaus (incluides pòrtes e hièstres), de separacion de quinsevolh installacion o activitat que pogue considerar-se coma hònt de tapatge, e quinsevolh aute recinte exterior adjunt, auràn de garantir un isolament acustic minim de 50 dB (A), en orari de net.

Article 59.- Dispositius acustics en veïculs.

Es conductors de veïculs, exceptat es que presten sevics en veïculs dera Policia Locau, escandiment d'incendis e salvament e d'auto veïculs destinadi a servicis d'urgéncia, s'abstieràn der usatge des sòns dispositius acustics en tot eth tèrme municipau pendent es 24 ores deth dia, exceptat en casi excepcionaus de perilh imminent d'accident que non poguen evitar-se d'ua auta manèra.

Article 60.- Usatge abusiú des veïculs a motor.

- 1.- Quede proïbit forçar era marcha des veïculs a motor produsint tapatge que moleste, coma en cas des acceleracions innecessaries.
- 2.- Tanben quede proïbit er usatges de dispositius que poguen anullar era accion deth silenciador o forçar es marches per exces de pes.
- 3.- Quede tanben proïbit dar torns innecessaris ar entorn des corròps de cases o formant circuits improvisadi, molestant as vesins o activant er accelerador repetidament damb eth veïcul parat.

Article 61.- Gasi des veïculs a motor.

- 1.- Se proïbis era circulacion de veïculs a motor damb eth coneishut "escape libre" e tanben quan es gasi expulsats pes motors, en lòc de traussar un silenciador eficaç, gesquen a trauers de tueus resonadors.
- 2.- Era gessuda de gasi a d'èster provista d'un dispositiu silenciador d'explosions, de manèra qu'en cap cas s'arténhe un nivèu de tapatge superior ath que s'establis entà cada ua des categories de veïculs.

Article 62.- Tapatge d'animaus.

Se proïbis des des 22 ores enquias 8 ores, deishar enes patis, terraces, galeries o balcons, animaus que damb es sòns lairets o tapatge perturben eth repòs des vesins.

Article 63.- Manifestacions en viadèr public.

Se proïbis en viadèr public accionar aparelhs de television e ràdio, magnetòfons, altaveus, esturments musicaus, emete messatges publicitaris o activitats semblantes, quan poguen molestar as autes persones o superar es niveus màxims permesi. No obstant, en circumstancies especiaus, era autoritat municipau poderà autorizar aquestes activitats. Aquestes autorizacions seràn discrecionaus dera Alcaldia, que poderà non concedir-les en cas que s'aprecien alteracions, encara que siguen temporaus, entath vesindari o usatgèr der entorn. En tot cas era autorizacion non serà jamès autrejada se a ua distància de 15 metres dera hònt emissora se sobrepassen es límits establidi.

Article 64.- Ensagis e amassades musicaus.

Es ensagis e emassades musicaus, esturmentaus o vocaus, de balh o dança e es hèstes privades s'atieràn ad açò qu'establis er article anterior.

Article 65.- D'outes manifestacions en viadèr public.

Solet poderan hèr-se damb autorizacion expressa dera Alcaldia, es manifestacions en viadèr public derivades dera tradicion coma eth cas des revelhes, es concentracions de clubs e associacions, es actes culturaus o recreatius excepcionaus, manifestacions o mitins de caracter politic o toti es qu'agen un interès semblant.

Article 66.- Òbres que produsisquen molesties.

1.- Es trebalhs temporaus, coma es d'òbres de bastiment publiques o privades, non poderàn realizar-se entre es 22 ores e es 8 ores deth dia següent, se produsissen un augment deth tapatge de hòns des niveus sonors en interior des propietats vesies.

2.- Dera proibicion anterior queden excluides es òbres urgents per rasons de besonh o perill o aqueres que pes sues caracteristiques non poguen realizar-se de dia.

Es trebalhs que s'agen de hèr peth ser auràn d'èster degudament autorizats.

Article 67.- Maquines susceptibles de produsir tapatge.

Non poderà installar-se cap de maquina o aparelh en moviment en contacte damb parets mejaneres, forjadi o quinsevolh aute element estructurai des edificis.

Article 68.- Aparelhs que produsisquen tapatge.

Es equips des installacions d'aire condicionat o refrigeracion o aireacion, non produsiràn enes edificis propers, non usatgers d'aguest servici, niveus sonors superiors as que merquè era present ordenança.

Article 69.- Tapatge en espectacles duberti o barrats.

Damb independiència des autres limitacions d'aguesta ordenança e d'outes dispousicions reglamentàries des activitats, en interior de quinsevolh espaci dubert o barrat, destinat a amassades, espectacles o audicions musicaus (discoteques o similars), non poderan superar niveus sonors màxims de 80 dB (a) en cap punt en qu'agen acceses es clients o usatgers, a excepcion des locals qu'ena sua entrada colloquen er avis següent: "Es niveus sonors en interior pòden produsir lesions permanents ena audida". Agues avis aurà d'èster perfectament visible e legible pes sues dimensions e elluminacion.

Article 70.- Aparelhs d'alarma.

1.- Se proïbis hèr sonar, a excepcion de causes justificades, quinsevolh sistèma d'avis, alarma o senhalizacion d'emergéncia.

2.- Non obstant s'autorizaràn pròves e ensagis d'aparelhs d'alarma e emergéncia, que seràn de dus tipos:

- a) excepcionaus: Sòn aqueri qu'an de realizar-se immediatament dempús dera sua installacion e tostemp entre es 8 e 22 ores dera jornada laborau.
- b) Rutinaris: Seràn es de comprobacion periodica des sistèmes d'alarma. Solet poderàn realisar-se un còp ath mes e damb un intervau de 5 minutes, laguens der anterior orari dera jornada laborau.

Article 71.- Es niveus sonors màxims seràn es següents:

a)Zònes sanitàries	dBa
Entre es 8 e es 21 ores	40
Entre es 22 e es 8 ores	30
B)Zònes de viuendes e oficines	
Entre es 8 e es 22 ores	40
Entres es 22 e es 8 ores	35
c)Zònes industriaus e magazems	
Entre es 8 e es 22 ores	50
Entres es 22 e es 8 ores	35

Sus aguesti niveus i a ua tolerància de 5 dBa, que non s'aplicarà en es següenti casi:

- 1.-Sons musicaus.
- 2.-Sons enes que i a un ton dominant, coma mòtobombes d'impulsion de liquits, grops de compression de camares frigorifiques, e en generau, motors únics de foncionament mèns o mens seguit.
- 3.-En zònes sanitàries.

Article 72.- Enes emissions de contaminants ara atmosfèra, quinsevolh que sigue era natura d'aguesti, non pòden superar es niveus màxims d'emission establidi previament ena normatiua vigent.

INFRACCIONS, SANCIONS E PROCEDIMENT SANCIONADOR

Article 73.- Tipus d'infraccions.

- 1.-Es infraccions des següents ordenances pòden èster lleus, greus e molt greus.
 - a)Perturbacions e molesties produsides.
 - b)Maus causadi.
 - c)Ànim de lucre.
 - d)Desconsideracion respecte as ciutadans o er Ajuntament.
 - e)Temeridad o mala fe.
 - f)Reiteracion o reincidència.

Article 74.- Tipus de sancions.

- 1.-Es infraccions des següents ordenances poderàn èster sancionades damb:
 - a)Multes pecuniàries.
 - b)Suspension temporau d'activitats.
 - c)Barrament temporau der establiment.
 - d)Suspension temporau de licéncies.
 - e)Suspension definitiua de licéncies.
 - f)Confiscacion d'animaus e sacrifici d'aguesti.
 - g)Immobilizacion temporau de veïculs.
- 2.- Es sancions pecuniàries poderàn reiterar-se mentres persistisque era actuacion infractora.
- 3.-Era impausacion des sancions precedents non ei incompatible damb es que corresponguen per vulneracion de normatiues d'àmbit superior.

Article 75.- Sancions per infraccions lleus.

Pera comission des infraccions lleus dera present ordenança se poderàn impausar es següentes sancions:

- 1.-Multa de 1.000 a 5.000 pessetes.
- 2.-Suspension de licéncia per un tèrme d'enquia dus dies.
- 3.-Barrament temporau der establiment o installacion per un tèrme d'enquia dus dies.

Article 76.- Sancions per infraccions greus.

Pera comission des infraccions greus dera present ordenança se poderàn impausar es següentes sancions:

- 1.-Multa de 5.001 a 15.000 pessetes.
- 2.-Suspension de licéncia per un tèrme de tres a sèt dies.
- 3.-Barrament temporau der establiment o installacion per un tèrme de tres a sèt dies.
- 4.-Retirada temporau de veïculs enquia que se provedisquen deth corresponent silenciador.
- 5.- Confiscacion e/o sacrifici d'animaus.

Article 77.- Sancions per infraccions molt greus.

Pera comission des infraccions molt greus dera present ordenança se poderàn impausar es següentes sancions:

- 1.-Multa de 15.001 a 25.000 pessetes.
- 2.-Suspension temporau de licéncia per un tèrme d'ueit a trenta dies.
- 3.-Caducidad definitiua dera licéncia e multa de 25.000 pessetes.
- 4.-Barrament temporau der establiment o installacion per un tèrme d'ueit a trenta dies
- 5.-Retirada temporau de veïculs enquia que se provedisquen deth corresponent silenciador e multa de 25.000 pessetes.
- 6.- Confiscacion e/o sacrifici d'animaus e multa de 25.000 pessetes

Article 78.- Procediment sancionador.

Per çò que tanh ath procediment sancionador serà d'aplicacion cò fixat enes articles 127 e següents dera Lei 30/92, de 26 de noveme, de Règim Juridic des Administracions Publiques e Procediment Administratiu Común, e d'autres dispausacions sus era matèria.

DISPAUSACION ADDICIONAU

Es precepti qu'establis era present Ordenança s'enten sense perjudici des intervencions que corresponguen a d'auti organismes dera Administracion ena esfèra des sues respectives competéncias.

DISPAUSACION FINAU

Era present Ordenança entrarà en vigor londeman dera sua publicacion integra e completa en Butletín Oficiau dera Província.

PUBLICADA EN BUTLETIN OFICIAU DERA PROVÍNCIA DETH DIA 22 D'ABRIU DE 1997.